

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲԲԱ-ԼՕ-2020/120, 03.12.2020թ.

Բողոք բերող անձ՝ «Ար.Մեդտեխնիկա» ՍՊԸ

Պատվիրատու՝ «Ինֆեկցիոն հիվանդությունների ազգային կենտրոն» ՓԲԸ

Գնման ընթացակարգի ծածկագիրը՝ «ԻՀԱԿ-ԳՀԱՊՁԲ-ԳԼԲՍ-20/14» գնանշման հարցում

Գնման առարկան՝ բժշկական սարքավորումների ձեռքբերում

Բողոքի պահանջը՝ Պարտավորեցնել «ԻՀԱԿ-ԳՀԱՊՁԲ-ԳԼԲՍ-20/14» ծածկագրով գնանշման հարցման հրավերի Պատվիրատուին չեղյալ հայտարարել «ԻՀԱԿ-ԳՀԱՊՁԲ-ԳԼԲՍ-20/14» գնանշման հարցումը:

**ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ
ՔԱՐՏՈՒՂԱՐ՝ Լ. ԱՆԱՆԻԿՅԱՆ**

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման

ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

ՀՀ ԳՆՈՒՄՆԵՐԻ ՀԵՏ ԿԱՊՎԱԾ

ԲՈՂՈՔՆԵՐ ՔՆՆՈՂ ԱՆՁԻՆ

Հասցե՝ ք. Երևան, Մելիք-Աղամյան փող., 1

Բողոքը ներկայացնող անձ՝ «Ար.Մեդտեխնիկա» ՍՊ ընկերություն

Հասցե՝ ՀՀ, ք. Երևան, փ. Մ. Հերացի 7, 0025

Պետական գրանցման համար՝ 286.110.58543

Գրանցման ամսաթիվը՝ 2012-01-11

ՀՎՀՀ՝ 02604367

Հեռ՝ +374 93 882040

Էլ.փոստ՝ armedtechnicallc@gmail.com

Պատվիրատու՝ ԻՆՖԵԿՑԻՈՆ ՀԻՎԱՆԴՈՒԹՅՈՒՆՆԵՐԻ ԱԶԳԱՅԻՆ ԿԵՆՏՐՈՆ ՓԲԸ

Ընթացակարգի ծածկագիր՝ ԻՀԱԿ-ԳՀԱՊՁԲ-ԳԼԲՍ-20/14

Գնման առարկա՝ բժշկական սարքավորումներ

Բողոքի առարկա

Սույն թվականի նոյեմբերի 27-ին ԻՆՖԵԿՑԻՈՆ ՀԻՎԱՆԴՈՒԹՅՈՒՆՆԵՐԻ ԱԶԳԱՅԻՆ ԿԵՆՏՐՈՆ ՓԲԸ-ի կողմից էլեկտրոնային գնումների Armeps (www.armeps.am) համակարգի միջոցով հրապարակվել է ԻՀԱԿ-ԳՀԱՊՁԲ-ԳԼԲՍ-20/14 ծածկագրով գնանշման հարցման հրավեր:

Հրավերով սահմանվում է, որ այն կազմվել է գնումների մասին ՀՀ օրենսդրության, այդ թվում՝ «Գնումների մասին» ՀՀ օրենքի (այսուհետ՝ Օրենք), ՀՀ կառավարության 2017թ. մայիսի 4-ի N 526-Ն որոշմամբ հաստատված «Գնումների գործընթացի կազմակերպման» կարգի (այսուհետ՝ Կարգ), ՀՀ կառավարության 2017 թվականի ապրիլի 6-ի N 386-Ն որոշմամբ հաստատված «Էլեկտրոնային ձևով գնումների կատարման» կարգի և այլ իրավական ակտերի պահանջներին համապատասխան և նպատակ ունի «ԻՆՖԵԿՑԻՈՆ ՀԻՎԱՆԴՈՒԹՅՈՒՆՆԵՐԻ ԱԶԳԱՅԻՆ ԿԵՆՏՐՈՆ» ՓԲԸ-ի (այսուհետ՝ պատվիրատու) կողմից հայտարարված ընթացակարգին մասնակցելու մտադրություն ունեցող անձանց (այսուհետ՝ մասնակից) տեղեկացնելու ընթացակարգի պայմանների՝ գնման առարկայի, ընթացակարգի անցկացման, ընտրված մասնակցին որոշելու և նրա հետ պայմանագիր կնքելու մասին, ինչպես նաև օժանդակելու ընթացակարգի հայտը պատրաստելիս:

Հայտեր կարող են ներկայացնել համակարգում գրանցված բոլոր անձիք, անկախ նրանց՝ օտարերկրյա ֆիզիկական անձ, կազմակերպություն, քաղաքացիություն չունեցող անձ լինելու հանգամանքից:

Մեր ընկերությունը, հանդիսանալով բժշկական սարքավորումների խոշորագույն մատակարարներից մեկը ՀՀ-ում, ինչպես նաև ունենալով այս մրցույթում ընդգրկված բժշկական սարքերի մատակարարման և սպասարկման հարուստ փորձ, հետաքրքրված էր մրցույթին մասնակցությամբ:

Սակայն, հրավերի ուսումնասիրության ընթացքում մեզ համար պարզ դարձավ, որ մրցույթի հրավերը կազմվել է ՀՀ Գնումների մասին օրենքի և գնումների գործընթացը կարգավորող մի շարք իրավական ակտերի խախտումներով:

Մասնավորապես.

Ըստ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2017 ԹՎԱԿԱՆԻ ՄԱՅԻՄԻ 4-Ի N 526-Ն որոշման՝

16. Գնման գործընթաց սկսելու համար գնման առարկան պետք է ներառված լինի գնումների պլանում: Գնման պահանջի ծագման օրը պետական գաղտնիք չպարունակող գնումների դեպքում հաստատված կամ փոփոխված գնումների պլանի հրապարակման օրն է, իսկ պետական գաղտնիք պարունակող գնումների դեպքում՝ գնումների պլանի հաստատման կամ փոփոխման օրն է: Եթե տվյալ տարվա ընթացքում գնումների սկզբնական պլանում չներառված, լրացուցիչ գնումը կատարելու համար նախատեսվում են ֆինանսական միջոցներ, սպա գնումների պլանում կատարվում է լրացում:

17. Գնման գործընթացի կազմակերպման իրավական հիմքը սահմանված պահանջներին համապատասխան հաստատված, իսկ Գնումների մասին Հայաստանի Հանրապետության օրենսդրությամբ նախատեսված դեպքերում՝ նաև հրապարակված, գնումների պլանի առկայությունն է:

18. Օրենքի 15-րդ հոդվածի 6-րդ մասի համաձայն գնում կատարվելու դեպքում գնումների պլանում գնման առարկան ներառվում է առանց գնման ընդհանուր գումարի նշման՝ ֆինանսական միջոցներ նախատեսվելուց հետո գնման պլանում համապատասխան լրացում կատարելու պայմանով:

Տեղեկագրում չգտանք «ԻՆՖԵԿՑԻՈՆ ՀԻՎԱՆԴՈՒԹՅՈՒՆՆԵՐԻ ԱԶԳԱՅԻՆ ԿԵՆՏՐՈՆ» ՓԲԸ -ի պլանի փոփոխություն, որտեղ ընդգրկված կլինեին այս գնանշման հարցումով նախատեսված սարքավորումները:

ԲՈՂՈՔԻ ՊԱՀԱՆՁ

Հաշվի առնելով ներկայացված իրավական հիմքերը՝ խնդրում ենք պարտավորեցնել ԻՀԱԿ-ԳՀԱՊԶԲ-ԳԼԲՄ-20/14 ծածկագրով գնանշման հարցման հրավերի Պատվիրատուին չեղյալ հայտարարել ԻՀԱԿ-ԳՀԱՊԶԲ-ԳԼԲՄ-20/14 գնանշման հարցումը:

Կից ներկայացվում են՝

1. ԻՀԱԿ-ԳՀԱՊԶԲ-ԳԼԲՍ-20/14 ծածկագրով գնանշման հարցման հրավերի պատճենը,
2. «Ար.Մեդտեխնիկա» ՍՊ ընկերության պետական ռեզիստրի քաղվածքի պատճենը,
3. Բողոքարկման վճարը կատարված լինելը հիմնավորող փաստաթուղթը

«Ար.Մեդտեխնիկա» ՍՊ ընկերության տնօրեն՝ Ն. Անդրեասյան

03.12.2020թ.

Digitally signed by ANDREASYAN NUNE 7705870533
Date: 2020.12.03 17:08:12 AMT